



KEMENTERIAN PERPADUAN NEGARA

TEKS UCAPAN

**YB DATUK AARON AGO DAGANG
MENTERI PERPADUAN NEGARA**

SEMPENA

**MAJLIS PELANCARAN PORTAL BANTUAN
KEWANGAN PROGRAM PERPADUAN (BKPP)**

23 JANUARI 2024 (KHAMIS)

12.00 TENGAH HARI

HOTEL SERI PACIFIC, KUALA LUMPUR

Salam Malaysia MADANI dan Salam Perpaduan.

SALUTASI

**(salutasi akan dikemukakan kemudian)*

PENDAHULUAN

1. Ucapan terima kasih kepada wakil Pertubuhan Bukan Kerajaan (NGO) yang hadir ke **Majlis Pelancaran Portal Bantuan Kewangan Program Perpaduan** pada hari ini.
2. Majlis ini bukan sekadar satu pelancaran, tetapi ia juga **menjadi simbol iltizam pihak Kementerian untuk mengiktiraf peranan NGO sebagai “*Friends of Unity*”** kepada Kementerian untuk bersama-sama bergerak seiring dalam mencapai aspirasi memperkukuhkan perpaduan dalam negara.
3. **Harmoni Dalam Kepelbagaian** mengetengahkan komponen-komponen asas yang menjadi tali pengikat kepada rakyat Malaysia dalam membentuk kesepaduan masyarakat dan keharmonian negara. Ia perlu dijadikan panduan kepada semua dalam memastikan perpaduan dalam kalangan rakyat tanpa mengira kaum, agama dan bangsa terus kekal terpelihara.

3. **Perpaduan bukan sahaja menjadi tanggungjawab kerajaan semata-mata, tetapi turut melibatkan peranan semua pihak, termasuk pertubuhan bukan kerajaan (NGO) dan sektor swasta.** Usaha kolektif ini amat penting untuk memastikan keharmonian sosial terus subur, menjadi asas kepada kestabilan dan masa depan negara yang lebih cemerlang.
4. Perkara ini juga selari dengan salah satu strategik utama di bawah **teras Ekosistem Perpaduan, Dasar Perpaduan Negara** iaitu memperkasakan jentera perpaduan melalui kerjasama strategik.
5. Buktinya pada tahun 2024, sebanyak **78 program perpaduan yang diterajui NGO** melalui kerjasama dengan pihak Kementerian telah **berjaya dilaksanakan** di seluruh negara melibatkan **sejumlah 621,739 peserta**. Antara *Friends of Unity* adalah Pertubuhan Kembara Anak Seni Selangor, Pertubuhan Nadi Sihat, Persatuan Siam Malaysia, Persatuan Adiwira Inderayani, Pertubuhan IKRAM Malaysia dan sebagainya.
6. Saya ingin mengucapkan tahniah dan penghargaan kepada semua ahli *Friends of Unity* yang terus gigih berusaha memastikan perpaduan kekal kukuh dalam

kalangan rakyat Malaysia. Peranan ini bukan sahaja menyokong usaha kerajaan, tetapi juga menjadi inspirasi kepada sektor swasta dan NGO untuk turut serta dalam agenda memperkasakan perpaduan negara.

PEMBERIAN BANTUAN KEWANGAN

Hadirin yang saya kasihi sekalian,

7. Untuk makluman semua, **Kementerian Perpaduan Negara akan meneruskan inisiatif pemberian bantuan kewangan** kepada NGO bagi menganjurkan program-program perpaduan. Dengan adanya bantuan ini, kita berharap para NGO dapat terus berganding bahu dengan Kementerian dalam meluaskan usaha-usaha **“reach out”** dan memperkukuhkan keberkesanan pelaksanaan program perpaduan.
8. Justeru, bagi tahun 2025, Kementerian memberikan fokus kepada penganjurkan program-program yang berteraskan kepada **Harmoni Dalam Kepelbagaian dan pembinaan Negara Bangsa**. Melalui penerapan dua fokus ini dalam program-program yang bakal dianjurkan, usaha-usaha untuk memperkasakan hubungan antara pelbagai kelompok masyarakat dan pembinaan identiti nasional akan dapat direalisasikan.

9. **Tatakelola (*governans*) yang baik merupakan satu aspek kritikal bagi kemakmuran dan kemajuan sesebuah negara, yang mana ini memberi kesan langsung kepada kesejahteraan rakyat.** Perancangan governans yang konkrit dapat menatijahkan ketelusan, akauntabiliti, keterangkuman dan keberkesanan; yang kesemua ini menyumbang kepada wujudnya satu pentadbiran yang madani, demokratik dan mampu berfungsi dengan baik.
10. Selaras dengan reformasi perkhidmatan awam dan amalan tatakelola terbaik, saya ingin memaklumkan bahawa **mulai pada tahun ini, pertimbangan ke atas permohonan bantuan untuk melaksanakan program perpaduan akan diuruskan secara atas talian.**
11. Penambahbaikan yang dibuat melalui **Portal Bantuan Kewangan Program Perpaduan** ini merupakan satu manifestasi bagaimana teknologi boleh dimanfaatkan, dan dengan adanya portal ini, diharapkan proses permohonan dan kelulusan bantuan kewangan kepada NGO akan menjadi lebih efisien.
12. Kementerian berharap melalui proses yang dilaksanakan secara atas talian ini, akan dapat membantu mempermudah urusan serta mengurangkan sebarang

kekangan yang mungkin dihadapi oleh NGO, sekaligus mempercepat pelaksanaan program-program perpaduan yang ingin dicadangkan.

13. *“Friends of Unity must act as a catalyst for societal harmony. Promoting inclusivity and diversity must be at the core of its outreach efforts.”*

PENUTUP

Hadirin yang saya muliakan sekalian,

14. Dengan iltizam yang berterusan seiring dengan perumpamaan “seliang bak tebu, serumpun bak serai, sesusun bak sirih”, saya percaya kita mampu membina sebuah negara bangsa yang harmoni, stabil, dan bersatu padu.
15. Maka, saya dengan penuh rasa sukacita, melancarkan **Portal Bantuan Kewangan Program Perpaduan, Kementerian Perpaduan Negara.**

Sekian, terima kasih.